

宋十五家詩選

宋十五家詩選

東海陳訂輯

歐陽修

字永叔吉州永豐人天聖中進士甲科補西
京留守推官召試學士院爲館閣校勘以范
仲淹謫鄱陽移書詆諫官高若誦貶夷陵令
徙乾德改判武成軍遷太子中允館閣校勘
集賢校理知太常禮院出通判滑州慶曆初
擢太常丞知諫院拜右正言知制誥出使河
東還改龍圖閣直學士以明黨出知滁州遷
起居舍人徙揚州復龍圖閣直學士知
應天府母憂起復判流內銓以翰林學士修
唐書加史館修撰勾當三班院判太常寺權
知禮部貢舉拜右諫議大夫判尚書禮部又
判秘書省兼龍圖閣學士權知開封府唐書
成拜禮部侍郎晉樞密副使未幾參知政事
定議立英宗以觀文殿學士判部尚書知毫
州徙青州蔡州熙寧四年以太子少師致
仕卒贈太子太師諡文忠詩有居士等集
周益公云前輩言公作文揭之壁間朝夕
改定故別本尤多又云學者據舊覽新思

公所以增損移易則雖與公生不同時將如
升堂避席親承指授因是稍悟爲文之法也

葉少龜云公詩始矯崑崙體專以

氣格爲主故其言多平易疎暢

唐五代末流文章專以聲病對偶爲工剽剝
故事彫刻破碎甚者若俳優之詞公起而振
之力追昌黎然獨自成家不仍聳牙佶屈之
習古詩高秀近體妍雅真善學昌黎者起衰
夜古有功於斯道甚鉅

三遊洞

一本作夷陵九詠一三遊洞二下牢溪三蝦
蟆碚四勞亭驛五龍溪六黃溪夜泊七黃牛

峽祠入松門九下牢津居士
集本古律各從其類今從之

漾檝沂清川拾舟緣翠嶺撲奇冒層險因以窮人境弄舟

一作川

終日愛雲山徒見青蒼杳靄間誰知一室烟霞裏乳

竇雲腴凝石髓蒼崖一徑橫查渡翠壁千尋當戶起誰人
心賞爲誰留人去山阿跡更幽青蘿綠桂何岑寂山鳥嚶

嘒不驚客松鳴澗底自生風月出林間來照席仙境難尋
復易迷山間路轉幾人知惟應洞口春花落流出巖前百
丈谿

卽下牢谿也

千葉紅梨花

峽州署中舊有此花而無賞者知郡朱郎中始加欄檻命坐客賦之

紅梨千葉愛者誰白髮郎官心好奇徘徊繞樹不忍折一
日千匝看無時夷陵寂寞千山裏地遠氣偏時節異愁烟
苦霧少芳菲野卉蠻花鬪紅紫可憐此樹生此處高枝絕
一作紅
艷無人顧春風吹落復吹開山鳥飛來自飛去根盤
樹老幾經春真賞今纔遇使君風輕絳雪罇前舞日暖紫
香露下聞從來奇物產天涯安得移根植帝家猶勝張騫
爲漢使辛勒西域徙榴花

和丁寶臣遊甘泉寺

寺在臨江一山上與縣解相對

江上孤峯蔽綠蘿，縣樓終日對嵯峨。叢林已廢姜祠在，事

跡難尋楚語訛。

寺有清泉一泓，俗傳爲姜詩泉，亦有姜詩祠。按詩廣漢人疑泉不在此。空餘

一派寒巖側，澄碧滄涵。玉色野僧豈解惜，清泉蠻俗那

知爲勝跡西陵老。

一作縣

令好尋幽時共登臨，向此遊歌危

一逕穿林樾，盤石蒼苔畱客歇。山溪雲日變陰晴，澗柏巖

松度歲青谷裏花開知。地暖林間鳥語作，春聲依依渡口

夕陽時却望層巒在翠微。城頭暮鼓休催客，更待橫江

一作

舟弄月歸。

贈杜默

一本注云默師太學先生石守道介

南山有鳴鳳，其音和且清。鳴於有道國，出則天下平。杜默

東土秀能吟鳳凰聲作詩幾百篇長歌仍短行攜之入京
邑欲使衆耳驚來時上師堂再拜辭先生先生領首遣教
以勿驕矜贈之三豪篇而我濫一名杜子來訪我欲求相
和鳴顧我文字外未足當豪英豈如子之辭鏗鏗間鏘笙
淫哇俗所樂百鳥徒一作方嚶嚶杜子卷舌去歸衫翩以輕
京東聚羣盜河北點新兵饑荒與愁苦道路日以盈子盍
引其吭發聲通下情上聞天子聰次使宰相聽何必九苞
禽始能瑞一作鳴堯庭子詩何時作我耳久已傾願以白玉
琴寫之朱絲繩

新霜

天雲慘慘秋陰薄卧聽北風鳴屋角平明驚鳥四散飛一

夜新霜羣木落南山鬱鬱舊可愛千仞巉巖如刻削林枯
山瘦失顏色我意豈能無寂寞衰顏得酒猶強發可醉豈
須嫌酒濁泉旁菊花方爛漫短日寒輝相照灼無情木石
尚須老有酒人生何不樂

憶山示聖俞

吾思夷陵山山亂不可究東城一垠餘高下漸岡阜羣峯
迤邐接四顧無前後憶嘗祇吏役鉅細悉經觀是時秋卉
紅嶺谷堆纈繡林枯松鱗皴山老石脊瘦斷徑履頽崖孤
泉聽清澗澗行得平川古俗見耕耨澗荒驚磨奔日出飛
雉雊盤石屢歌眠綠巖堪解綬幽尋嘆獨往清興思誰侑
其西乃三峽險怪愈奇富江如自天傾

寫

作

岸立兩崖闢

黔巫望西蜀，越嶺通南秦。時時縣樓對，雲霧昏白日。晝荒烟
下牢，戍百仞寒溪漱。蝦蟆噴水簾，甘波勝飲醇。亦嘗到黃
牛，泊舟聽猿狖。巉巖起絕壁，蒼翠非刻鏤。陰巖下攢叢，岫
穴忽空透。遙岑聳孤出，可愛欣欲就。惟思得君詩，古健寫
奇秀。今來會京師，車馬逐塵翳。頽冠各自髮，舉酒無帶袖。
繁華不可慕，幽賞亦難遯。徒爲憶山吟，耳熱助嘲謔。

聖俞會飲

時聖俞赴湖州一本
作送梅堯臣赴湖州

傾壺豈徒醺，君飲解帶且欲留。君談洛陽舊友，一時散士
年會合無二三。京師早久塵土熱，忽值晚雨涼纖纖。一作
纖纖滑公井泉釀正美，赤泥印酒新開緘。更吟君句勝啖杏，
花妍媚春酣酣。君詩有春風酣
酣杏正妍之句吾交豪俊天下選，誰難一作
難

得衆美如君兼

一本有鏗錦文律金玉寫森羅武庫戈戟銘兩句

詩工鐫刻露天

骨將論縱橫輕玉鈐遺編最愛孫武說往往曹杜遭夷芟

關西幕府

一作下

不能辟隴山

一作西

敗

一作大

將死可慚嗟子

身賤不敢薦四十白髮猶青衫吳興太守詩亦好往

一作助

秦玉瑄和英咸孟行到手莫辭醉明日一作發舉棹天東南

送胡學士知湖州

一本云送胡宿武平學士

武平天下才四十滯鉛槧忽乘使君舟歸榜

一作舫

不可縵

都門春漸動柳色綠將暗掛帆千里風水濶江濫濫吳興

水精宮樓閣在寒盤橘柚秋苞繁烏程春兌醪清談越客

醉屢舞吳娘艷寄詩無憚頻

一作煩

以慰離居念

送慧勤歸餘杭

越俗僭宮室，傾貲事雕牆。佛屋尤其侈，耽耽擬侯王。文彩

瑩丹漆，四壁金焜煌。上懸百寶蓋，宴坐以方牀。胡爲棄不

居，棲身客京坊。辛勤營一室，有

一作乃

頽鶯巢梁。南方精飲

食，

一作蘭

笋，鄙羔羊。飯以玉粒粳，調之甘露漿。一饌費千

金，百品羅成行。晨興未飯僧，日晏不敢嘗。乃茲隨北客，枯

栗充饑腸。東南地秀絕，山水澄清

一作鮮

光餘杭。幾萬家日

夕，焚清香。烟霏四面起，雲霧雜芬芳。豈如車馬塵，鬢髮染

成霜。三者孰苦樂，子奚

一作今

勤四方。乃云慕仁義，奔走不

自遑。始知仁義力，可以治膏肓。有志誠可樂

一作嘉

及時宜

自彊。人情重懷土，飛鳥思故鄉。夜枕聞北鴈，歸心逐南牆。

歸兮能來否，送子以短章。

絳守居園池

一本上有
留題字

嘗聞紹述絳守居偶來覽登

一作
登覽

周四隅異哉樊子怪可

吁心欲獨出無古初窮荒搜幽入有無

一作
無有

一語詰曲百

盤紆孰云已出不剽襲句斷欲學盤庚書

一本有方言爾
雅不訓詁幾欲

古譯從象
晉兩句

荒烟古木蔚遺墟我來嗟祇

一作
止

得其餘柏槐

端莊偉丈夫蒼顏鬱鬱老不枯靚容新麗一何姝清池翠

蓋擁紅蕖胡筋虎搏豈足道記錄細碎何區區慮氏八卦

畫河圖禹湯臯虺

一作
陶

暨唐虞豈不古與萬世模嫉世姦

巧一作
奸

習卑汚以奇矯薄駭羣愚用此猶得追韓徒我思

其人爲躊躇作詩聊謔爲坐娛

晉祠

一本作過并
州晉祠宋

古

一作故

城南出十里間鳴渠夾路

一作石渠夾道

何潺潺行人望

祠下馬謁退卽祠下窺水源地靈草木得餘潤鬱鬱古

一作

松柏含蒼烟并兒自古事

一作重

豪俠戰爭五代幾百年天

開地闢真主出猶須再駕方凱旋頑民盡遷高壘削秋草

自緣埋空垣

一作自緣空塞垣

并人昔遊晉水上清鏡照耀涵朱

顏晉水今入并州稷稻花漠漠澆平田廢典髣髴無舊

一作

故老氣象寂寞餘山川惟存祖宗聖功業干戈象舞被管

絃我來覽登

一作登覽

爲歎息暫照白髮臨清泉烏啼人去廟

門闔還有山月來娟娟

水谷夜行寄子美聖俞

一本題上有補成字

寒晨

一作

鷄號荒林山壁月倒掛披衣起視夜攬轡念行

一作

返適我來夏云初素節今已屆高河瀉長空勢落九州外

微風動涼襟曉氣清餘睡一作色緬懷京師友文一作有酒

逸一作高會其間蘊與梅二子可畏愛篇章富縱橫聲價

相磨一作蓋子美氣尤雄萬竅號一噫有時肆顛狂醉墨

洒灑霏霏一作如千里馬足一作已發不可殺盈前盡珠璣

一一難東汰梅翁事清切石齒漱寒澗作詩三十年視我

猶後一作後輩文詞愈清新心意雖一作老大譬如妖韶

女老自有餘態近詩猶古硬一作咀嚼苦難噉初如食橄

欖真味久愈在蘇豪以氣轢一作舉世徒一作驚駭梅窮

獨我知一作我古貨今難賣一作物二子雙鳳凰百鳥之

嘉瑞雲烟一朝翔羽翮一摧鍛安得相從遊終日鳴噉噉

問詞

一作相問

苦思之對酒把

一作把酒對

新蟹

鎮陽殘杏

一本有寄聖俞字

鎮陽二月春苦寒東風力弱冰雪頑北潭跬步病不到

即常

山宮後池也州之勝遊惟此

何暇騎馬尋郊原鵬

一作雕

丘新晴暖已動

砌下流水來潺潺

鵬丘本在州西十五里以長渠引走城中

但聞簷間鳥語變

不覺桃杏開已闌人生一世浪自苦盛衰桃杏開落間西

亭昨日偶獨到

一作往

猶有一樹當南軒殘芳爛漫看更好

皓若春雪剛枝繁無風已恐自零落長條可愛不可攀猶

堪攜酒醉其下誰肯伴我顏巾冠

暮春有感

幽憂無以銷春日靜愈長薰風入花骨花枝半低昂往來

採花蜂清蜜未滿房春事已爛漫落英漸飄揚
蛺蝶無所爲飛飛助其忙啼鳥亦屢變新音巧
調篁遊絲最無事百尺拖晴光天工施造化萬
物感春陽我獨不知春久病卧空堂時節去莫
挽浩歌自成傷

讀

一本有聖俞字

蟠桃詩寄子美

韓孟於文詞兩雄力相當

一本有偶以怪自戲作詩驚有唐兩句

篇章綴談

笑雷電擊幽荒衆鳥誰

一作不

敢和鳴鳳呼其皇孟窮苦

累韓富浩穰穰窮者啄其精富者爛文章發生一爲宮擘

歛一爲商二律雖不同合奏乃鏘鏘天之虛奇怪希世不

可常寂寥二百年至寶埋無光郊死不爲鳥聖俞發其藏

患世愈不出孤吟夜號

一作夜號清

霜霜寒入毛骨清響哀

一作

乃愈長玉山禾難熟終歲苦饑腸我不能飽之更欲不自

量引吭和其音力盡猶勉彊

一本有嗟我於韓徒足未及其嚙而子得孟骨英靈空北

叩四

誠知非所敵但欲繼前芳近者蟠桃詩有傳來北方

發我衰病思藹如得春陽忻然便欲和洗硯坐中堂墨筆

不能下怳怳

一作恍恍

若有亡老雞背爪硬未易犯其場不戰

先

一作輒

自却雖奔然

一作然

未甘降更

一作便

欲呼子美子美隔

霄江其以雖憔悴其志獨軒昂

一作昂

氣力誠當對勝敗可

交相安得二子接揮鋒兩交錯我亦願助勇鼓旗譟其旁

快哉天下樂一醵宜百觴乖離難會合此志何由償

初伏日招王幾道小飲

北園數畝官墻下嗟我官居如傳舍滹沱北渡馬蹄

一作蹄

水西山病歸花已謝落英不見空繞樹細草初長猶可藉

空園一鎖不復窺不覺芳蹊繁早夏隔牆時時聞好鳥如

得嘉

一作佳

客聽清話今朝試去繞園尋綠李橫枝礙行馬

蒲萄憶見初引蔓翠葉陰

一作成

陰還蒲架紅榴

一作榴花

最晚

子已繁猶有殘花藏葉罅

一本有雖無桃李競繁華

固有竹柏資瀟灑兩句

人生

有酒復何求官事無了須偷暇古云伏日當早歸况今著

令許休假能來解帶相就飲爲子掃月開風櫺

滄浪亭

一本上云寄題于美

子美寄我滄浪吟邀我共作

一作賦

滄浪篇滄浪有景不可

到使我東望心悠然荒灣野水氣象古高林翠阜相回環

新篁抽笋添夏影

一作景

老桤亂發爭春妍水禽閑暇事高

格山鳥日夕相啾喧不知此地幾興廢仰視喬木皆蒼烟
堪嗟人迹到不遠雖有來路曾無緣窮奇極怪誰似子搜
索幽隱揆神仙初尋一逕入蒙密豁目異境無窮邊風高
月白最宜夜一片瑩淨鋪瓊田清光不辨水與月但見空
碧涵漪漣一有始蕙臺邊人響絕夜靜往往聞鳴鶴兩句清風明月本無價可惜
祇賣四萬錢又疑此境一作景天乞與壯士憔悴天應憐鵲

夷古亦有獨往江湖波濤渺飈天崎嶇世路欲脫去反以

身試蛟龍淵豈如一作知偏舟任飄泊紅渠淥浪搖醉眠丈

夫身在豈長棄新詩美酒一作詩新酒美聊窮年雖然不許俗客

到莫惜佳句人間傳

秋晚凝翠亭揆韻作

黃葉落

一作落葉滿

空城青山遶官廨風雲淒已高歲月驚何

邁陂田寒未收野水淺生派晴林紫橘坼霜日紅梨颺蕭

疎喜竹勁寂寞傷蘭敗叢菊如有情幽芳慰孤介嘉客日

可攜寒醅美新醪

音債

登臨無厭頻冰雪行卽屆

送孫秀才

高門煌煌赫如赭勢利聲名真借假

一作假借

嗟哉子獨不顧

之訪我千山一廐馬明珠渡水覆舟失贈我璣貝猶蒲把

生攜文數十篇見訪渡江而失

遲遲顧我不欲去問我無窮慚報寡時之

所棄子獨嚮無乃與世異取舍

秋懷二首寄聖俞

一本擬蕭子體秋懷

孤管叫秋月清砧韻霜風天涯遠夢歸

一作歸遠夢

驚斷山千

重翠物動已息百憂感從中日月矢雙流四時環無窮隆
陰夷老物摧折壯士留壯士亦何爲素絲悲青銅

羣木落空原南山高龍從巉巖想詩老瘦骨寒愈聳詩老

類秋蟲吟秋聲百種披霜

一作芳

掇孤英泣古弔荒冢琅玕

叩金石清響聽生悚何由幸見之使我滌煩冗飛鳥下東
南音書無目捧

希真堂東

一本無東字

手種菊花十月始開

當春種花惟恐遲我獨種菊君勿謂春枝蒲闌爛張錦風
雨須臾落顛倒看多易厭情不專闌紫誇紅隨俗好豁然
高秋天地肅百

一作萬

物衰零誰暇弔君看金蘂正芬敷曉

日浮霜相照耀

一本有後時寧與竹柏榮媚世不爭桃李笑兩句

煌煌正色秀可

餐藹藹清香寒愈峭高人避喧守閑獨淑女靜一作容修

一作窈窕方當搖落看轉佳慰我寂寥何以報時攜一樽

相就飲如得貧交論久要我從多難壯心衰迹與世人殊

靜躁種花勿一作不種兒女花老大安能逐年少

別後奉寄聖俞二十五兄一本作叙別寄聖俞兼酬進道堂夜話見寄之什

長河秋雨多夜插寒潮一作入歲暮孤舟遲客心飛鳥急

君老忘卑窮文字或綴緝余生苦難阨一作拙世險蹈已習

離合二十年乖睽多聚集常時飲酒別今別輒飲泣君曰

吾老矣不覺兩袖濕我年雖少君白髮已揖揖即入反憶初

京北門送我馬暫立自茲遭檻穽一落誰引汲顛危偶脫

死藏竄甘自繫一作但令身尚在果得手重遊聞來喜迤

前貌改驚乍拌別離纔幾時舊學廢百十殘章一作與斷

藥草草各收拾空窓

一作堂

語青燈夜雨聽叢叢一作叢叢明朝

解舟南歸翼縱莫戢還期明月飲幸此中秋及酒酣弄篇

章四座困供給歡言正喧譁別意忽於邑日暮北亭上濁

醪聊

一作

共挹輕

一作歸

橈動翩翩晚水明熠熠行心

一作貪前

去雖迫談語出猶澁歸來錄君詩卷軸多舢舨誰一作云

已老矣意氣何業岌惜哉方壯時千里足常帶知之莫予

淡力不足呼吸歎呼偶成篇聊用綴君什

荅原父

一作荅劉廷評

炎歊鬱然蒸午景熾方饑子來清風興蕭蕭吹几簟又如

沃瓊漿遽飲不知厭嗟予學苦晚白首困鉛槧危疑奚

一作

何所質孔孟久已寔羣儒望自私惟子通且瞻幸時丐羸

餘屢得飽饑歉嚴嚴

一作落落

春秋經大法誰敢覘

一本有管猶天之蒼

乃欲學而

三才失綱紀

一作紀綱

五代極昏墊盜竊恣肱

一作發

漢英雄爭奮劒興亡兩倉卒事迹多遺欠

一作貶

纔能紀成

敗豈暇誅姦僭聞見患孤寡

一作賄

是非誰證驗嘗欣同好

惡遂乞指取玷反蒙華袞褒如譽嫫母豔救非常在早已

暴

一作惡

何由歛苟能哀癘癘其可惜針砭風舫或許邀湖

綠方濫瀦

寄聖俞

一作因馬察院至云見聖俞於城東轍書長韻奉寄

凌晨有客至自西爲問詩老來何稽京師車馬曜朝日何
用擾擾隨輪蹄而顏憔悴暗塵土文字光彩垂虹霓空腸

時如秋蚓叫苦調或作寒蟬嘶語言雖巧身事拙捷徑恥
蹈行非迷我今俸祿飽餘賸念子朝夕勤鹽齏舟行每欲
載米送汴水六月乾無泥乃知此事尚難必何況仕路如
天一作舟梯朝廷樂善得賢衆臺閣俊彥聯簪犀朝陽鳴鳳

爲時出一枝豈惜容其棲古來磊落材與知窮達有命理
莫齊悠悠百年一瞬息俯仰天地身醞雞其間得失何足
校況與鳬鶩爭稗穉憶在洛陽年各一作各年少對花把酒傾

玻黎二十年間幾人在在者憂患多乖睽我今三載病不

飲眼眇不辨駟與驪壯心銷盡憶閒處生計易足纔蔬畦

優游琴酒逐漁釣上下林壑相攀躋及身疆一作壯健始爲

樂莫待衰病須扶攜行當買田清潁上與子相伴把鋤犁

再和聖俞見荅

兩畿相望東與西書來三日猶爲稽短篇投子譬瓦礫敢

辱報之金裋蹄文章至寶被埋沒氣象往往干雲霓飛黃

伯樂不世

一作競

出四顧驤首空長嘶嗟哉我豈敢

一作能

知

子論詩

一作經

賴子初指迷子言古淡有真味大羹豈須調

以藿憐我區區欲彊學跋鼈曾不離汙泥問子初何得臻

此豈能直到無階梯如其所得自勤苦何憚入海求靈犀

周旋二紀陪倡和凡翼每並鸞皇棲有時爭勝不量力何

異弱魯攻彊齊念子京師苦憔悴經年陋巷聽朝

音朝一作晨

雞兒啼妻噤

一作啼

午未飯得米寧擇糝與稗石上紫豪

一作毫

家故有剡藤瑩滑如玻瓈追惟平昔念少壯零落生死

嗟分睽一揮累紙恣奔放駿

一作有

若駕駱仍驂驪腹雖枵

虛氣豪橫稍勝誚笑病夏畦名聲不朽豈易得仕宦得路
終當躋年來無物不可愛花發有酒誰同攜問我居留亦
何事方春苦旱憂民犂

送徐生

一作徐無黨

之澠池

河南地望雄西京相公好賢天下稱吹噓死灰生氣談
笑暖律回嚴凝曾陪樽俎被顧盼羅列臺閣皆名卿

一作才能

徐生南國後來秀得官古縣依峭陵脚靴手板實卑賤賢
雋未可吏事繩攜文百篇赴知己西望未到氣已增我昔
初官便伊洛當時意氣尤驕矜主人樂士喜文學幕府最
盛多交朋園林相映花百種都邑四顧山千層朝行綠槐

聽流水夜飲翠幙張紅燈爾來飄流二十載鬢髮蕭索垂

霜水同時並遊在者幾舊事欲說無人應

一作

文章無用

等畫虎名譽過耳如飛蠅榮華萬事不入眼憂患百慮來

填膺羨子年少

一作少年

正得路有如扶桑初日昇名高場屋

已得雋世有龍門今復登出門相送親與友何異籬鷄瞻

雲鵬嗟我筆硯久已格感激短章

一作章句

因子興

葛氏鼎

一本有歌字

大河昔決東南流蕭條東郡今遺湫我從故老問其由云

古五鼎藏高丘地靈川秀草木凋鬱鬱佳氣蒸常浮惟物

伏見數有周秘藏奇惟神所搜天昏地慘鬼哭幽至寶欲

出風雲愁蕩搖山川失維輒九龍大戰驅蛟虬剌然岸裂

轟雲羈滑人夜驚鳥嘲啁婦走抱兒扶白頭蒼生仰叫黃
屋憂聚徒百萬如蚍蜉千金一掃隨浮漚天旋海沸動九
州此鼎始出人間留滑人得之不敢收奇模古質非今侔
器大難用識者不以示世俗遭擲嶽明堂會朝饗諸侯饗
官百品供王羞調以五味烹全牛時有用捨吾無求二三
子學雕琳球見之始驚中歎愀披荒蕪古爭窮蒐若語難
出聲呶憂馬圖出河龜一作龍負疇自古惟說何悠悠嗟吾
老矣不能休勉強作詩慙效尤

太白戲聖俞

一作讀李白
集效其體

開元無事

一作太平

二十年五兵不用太白閒太白之精下人

間李白高歌蜀道難蜀道之難難於上青天李白落筆生

雲烟千奇萬險不可攀却視蜀道猶平川宮娃扶來白已

醉醉裏詩成醒不記忽然

一作來

乘興登名山龍咆虎嘯松

風寒山頭婆娑弄明月九域塵土

一作下看塵世

悲人豪吹笙飲

酒紫陽家紫陽真人駕雲車空山流水空流花飄然已去

凌青霞下看

一作堪笑

區區郊與島螢飛露濕吟秋草

風吹沙

一本題上有北字

北風吹沙千里黃馬行斫竿悲摧藏當

一作窮

冬萬物慘顏

一作無

色冰雪射日生

一作爭

光芒一年百日風塵道安得朱

顏長美好攬鞍鞭

一作起鞭歸

馬行勿遲酒熟花開二月時

贈沈遵

一作贈沈博士歌并序

一本序云予昔於滁州作醉翁亭於琅琊山有記刻石往往傳人間太常博士沈遵好奇之士也聞

而往遊焉愛其山水歸而以琴寫之作醉翁吟
調借不以傳人者五六年矣去年冬予奉使契丹
沈君會予恩冀之間夜闌酒半出琴而作之予
既嘉君之宏尚又愛其琴聲乃作歌以贈之

羣動夜息浮雲陰沈夫子彈醉翁吟醉翁吟以我名我初

聞之喜且驚宮聲三疊何泠泠酒行暫止四坐傾一本有
爲君屏

百慮各以兩
耳聽兩句有如風輕日暖好鳥語夜靜山響春泉鳴坐

思千巖萬壑醉眠處寫君三尺膝上橫沈夫子恨君不爲

醉翁客不見翁醉醉翁一作
醉翁山間亭翁歎不待絲與竹把酒終

日聽泉聲有時醉倒枕溪石青山白雲爲枕屏花間百鳥

喚不覺日落山風吹自醒一本有沈夫子若過滁陽今幾
時餘人皆喜醉翁醉至今人人

能道之長記山間逢太守
盤盤臨酌種花歸六句我時四十猶強力自號醉翁聊

戲客爾來憂患十年間一本客字下作爾來幾十年遇
酒飲不得軒案外飾誠可榮

髮未老嗟先白。滁人思我雖未忘。見我今應不能識。沈夫子愛君一罇復一琴。萬事不可干其心。自非曾是醉翁客。莫向俗耳求知音。一本末兩句作高懷所得貴。自適俗耳何用求知音可笑。人生不飲酒。惟知白首戀黃金。

荅聖俞

一本題下有高車見過

人皆喜詩翁。有酒誰肯一醉之。嗟我獨無酒。數往從一作就

翁何所爲。翁居南方。我北走。世路離合安可期。汴梁千艘日上下。來及水門猶未知。五年不見勞夢寐。三日始往何其遲。城東賺河有名字。萬家棄水爲汙池。人居其上苟賢者。我視此水猶漣漪。入門下馬解衣帶。共坐習習清風吹。溼薪熒熒煮薄茗。四顧壁立空無遺。萬錢方丈飽則止。一

瓢飲水樂可

一作何

涯況出新詩數十首珠璣大小光陸離

他人欲一不可有

一作得

君家筐篋蒲莫持才大

一作多名高

乃富貴豈比金紫包愚癡貴賤同爲一丘土聖賢獨

一作長

如星日垂道德內樂不假物猶

一作近

須朋友并良時蟬聲

漸已變秋意得酒安問醇與醑玉堂官閒無事業親舊幸

可從其私與翁老矣會有幾當棄百事勤追隨

荅梅

一作和無梅字

聖俞莫登樓

在禮部貢院鎖試進士上元夜作

莫登樓樂哉都人方競遊樓闕夜氣春烟浮玉輪東來從

海陬纖靄洗盡當空留燈光月色爛不收火龍銜山祝千

秋緣竿踏索雜幻優鼓喧管咽耳欲啾清風嫋嫋夜悠悠

瑩啼文

一作輪蹄交

角車如流姮姤扶欄車兩頭髡髦垂鬟嬌

未羞念昔年少追朋儔輕衫駿馬今則不中年病多昏兩
昨夜視曾不如鴛鴦足雖欲往意已休惟思睡眠擁衾
人心利害兩不謀春陽稍愆天子憂安得四海陰雲油
澤以時豐麥麴遊騎踏泥非我愁

刑部看竹效孟郊體

花妍兒女姿零落一何速竹色君子德猗猗寒更綠京師
多名園車馬紛馳逐春風紅紫時見此蒼翠玉凌亂迸青
苔蕭疎拂華屋森森日影間濯濯生意足幸此接清賞寧
辭薦芳醪黃昏人去

一作黃昏寂寂
一作寂寂人去

鎖空廊枝上月明春

一作
看鳥宿

西齋手植菊花過節始開偶書奉呈聖俞

秋風吹浮雲寒雨灑清曉鮮鮮墻下菊顏色一何好好色
豈能常得時仍不早文章損精神何用覩天巧四時悲代
謝萬物惜凋槁豈知寒鑑中兩鬢甚秋草東城彼詩翁學
問同少一作年小風塵世事多日月良會少我有一樽酒念
君思共倒上浮黃金藥送以清歌衆爲君發朱顏可以却
君老

送公期得假歸終

風吹積雪銷太行水暖河橋楊柳芳少年初仕卽京國故
里幾歸成鬢霜山行馬瘦春泥滑野飯天寒餽粥香一作芳風物佳節過東帶還來朝未央

賞新茶呈聖俞

建安三千里京師三月嘗新茶人情好先務取勝百物貴

早相矜誇年窮臘盡春欲動蟄雷未起驅龍

一作龍未起驅蟲

夜聞擊鼓滿山谷千人助叫聲喊呀萬木寒癡睡不醒惟

有此樹先萌芽乃知此爲最靈物宜

疑一作

其獨得天地之

英華終朝採摘不盈掬通犀銙小圓復宸鄙哉穀雨槍與

旗多不足貴如刈麻建安太守急寄我香蔕包漿封題斜

泉甘器滌天色好坐中揀擇客亦嘉

一作佳

新香嫩色如始

造不似來遠從天涯停匙側盞試水路拭目向空看乳花

可憐俗夫把金錠

一作錠一作錠茶錄多用錠字爲古按美韻錠字去聲訓錠錠字上聲訓劍鐵

機猛火炙背如蚊蟻山來真物有真賞坐逢詩老頻咨嗟

須臾共起索酒飲何異奏雅終淫哇

歸田四時樂春夏二首

春風二月三月時農夫在田居者稀新陽晴暖動膏脈野
水泛濫生光輝鳴鳩聒聒屋上啄布穀翩翩桑下飛碧山
遠映丹杏發青草暖眠黃犢肥田家此樂知者誰吾獨知
之胡不歸吾已買田清潁上更欲臨流作釣磯

南風原頭吹百草草木叢深茅舍小麥穗初齊稚子姣桑
葉正肥蠶食飽老弱但喜歲年熟餉婦安知時節好野棠
梨密啼晚鶯海石榴紅轉山鳥回家此樂知者誰吾獨知
之歸不早乞身當及強健時顧我蹉跎已衰老

哭聖俞

昔逢詩老伊水頭青衫白馬渡伊流灘聲八節響石樓坐

中辭氣凌清

一作高

秋一飲百盞不言休酒酣思逸語更道

河南丞相稱賢侯後車日載枚與鄒我年最少方方優明珠白璧相報投詩成希溪擁鼻謳師魯卷舌藏戈矛三十年間如轉眸屈指十九歸山丘凋零所餘身百憂晚登玉墀侍珠旒詩老薨鹽太學愁乖離會合謂無由此會天幸非人謀領鬚已白齒根浮子年加我貌則不歡猶可強開屢偷不覺歲月成淹留文章落筆動九州釜餽過午無饋餽良時易失不早收篋櫝

一作續

瓦礫遺琳瑯薦賢轉石古

所尤此事有職非吾羞命也難知理莫求名聲赫赫掩諸幽翩然素旆歸一舟送子有淚流如溝

吾生本寒儒老尚把書卷眼力雖已疲心意殊未倦正經

首唐虞僞說起秦漢篇章異句讀解詁及箋傳是非自相

攻去取在勇斷初如兩軍

一作兵

交乘勝方

一作多

酣戰當其

旗鼓催不覺人馬汗至哉天下樂終日在几

一作書

案念昔

始從師力學希仕宦豈敢取聲名惟期脫貧賤忘食日已

晡燃薪夜侵旦謂言得志

一作意

後便可焚筆硯少償辛苦

時惟事寢與飯歲月不我畱一生今過半中間嘗忝竊內

外職文翰官榮日清近廩給亦豐羨人情慎所習醜毒比

安晏漸追時俗流稍稍學營辦孟盤窮水陸賓客羅俊彥

自從中年來人事攻百箭非惟職有憂亦自老可歎形骸

苦衰病心志亦退懦前時可喜事閉眼不欲見惟尋舊讀

書簡編

一作編簡

多朽斷古人重溫故官事幸有間乃知讀書

勤其樂固無限少而干祿利老用忘憂患又知物貴久至
寶見百鍊紛華暫時好俯仰浮雲散淡泊味愈長始終殊
不變何時乞殘骸萬一免罪譴買舟載書歸築室

一作屋

水岸平生頗論述銓次加點竄庶幾垂後世不默死芻豢
信哉藏書魚韓子語非訕

山齋戲書絕句二首

蜜脾未滿蜂採花麥隴已淺鳩喚

一作叫

雨正是山齋睡足

時不覺花間日停午

經春老病不出門坐見羣芳爛如雪正當年少惜花時日
月春風吹石裂

雨後獨行洛北

北闕望南山，明嵐雜紫烟。
歸雲向嵩嶺，殘雨過伊川。
樹繞芳隄外，橋橫落照前。
依依半荒苑，行處獨聞蟬。

陪府中諸官遊城南

一本注
西京作

一雨郊圻迥，新秋榆棗繁。
田荒溪溜入，禾熟雀聲喧。
燒出空槎腹，人耕廢廟垣。
閑追向城客，落日隱高原。

送梅秀才歸宣城

從學方年少，還家罄橐金。
久爲江北客，能作洛生吟。
罷亞霜前稻，鉤輞竹上禽。
歸帆何處落，應拂野梅林。

河南王尉西齋

寒齋日蕭索，天外敞簷楹。
竹雪晴猶覆，山牕夜自明。
禽歸

窺野客雲去入重城欲就陶潛飲應須載酒行

春日獨遊上林院後亭見櫻桃花奉寄希深聖俞仍
酬遞中見寄之什

昔日尋春地今來感歲華人行已荒徑花發半枯槎高榭
林端出殘陽水外斜聊持一樽酒徙倚憶天涯

春晚同應之偶至普明寺小飲作

偶來林下還共酌竹間亭積雨添方

一作芳

沼殘花點綠萍

野陰侵席潤芳氣襲人醒禽鳥休驚顧都忘兀爾形

行至樵澗作

霜後葉初鳴羸驂遠澗行川原人遠近禾黍日晴明病質

驚殘歲歸塗厭

一作思

暮程空林聚寒雀疑已作春聲

初出真州泛大江作

孤舟日去無窮行色蒼茫杳靄中山浦轉帆迷向背夜
江看斗辨西東淝田漸下雲間鴈霜日初丹水上楓蕓菜
鱖魚方有味遠來猶喜及秋風

松門

已下五首一本
屬夷陵九詠

島嶼松門數里長懸崖對起碧峯雙可憐勝境一作景當窮
塞隴使留一作流人戀此邦亂石驚灘喧醉枕淺沙明月入
船牕因遊始覺南來遠行盡荆江見蜀江

黃溪夜泊

楚人自古登臨恨暫到愁腸已九回萬樹蒼烟三峽暗蒲
川明月一猿哀非鄉况復驚殘歲慰客偏宜把酒杯行見

江山

一作山河

且吟詠不因遷謫豈能來

初至夷陵荅蕓子美見寄

三峽倚岩巖同

一作南

遷地最遙物華雖可愛鄉思獨無聊

江水流青嶂猿聲在碧霄野筍抽夏笋叢菊長春條未臘

梅先發經霜葉不凋江雲愁

一作懸

蔽日山霧晦連朝斫谷

爭收漆梯林闌摘椒巴賓船買集

一作船

一作巴江

蠻市酒旗招

時節同荆俗民風載楚謠俚歌成調笑捺

一作捺

鬼聚喧囂

夷陵之俗多淫奔又好祠祭每遇祠時里民共戲其餘里語謂之捺鬼因此多成鬧訟

得罪宜投裔

包羞分折腰光陰催晏歲牢落慘驚颺白髮新年出朱顏

異域銷縣樓朝見虎官舍夜聞鴉寄信無秋鴈思歸望斗

杓須知千里夢長繞洛川橋

冬後三日陪丁元珍遊東山寺

幕府文書日已稀，清樽歲晏喜相攜。
寒山帶郭穿松路，瘦馬尋春踏雪泥。
翠鮮蒼苔森古木，綠蘿盤石暗溪澗。
爲貪賞物來猶早，迎臘梅花吐未齊。

龍興寺小飲呈表臣元珍

平日相從樂會文，博臬壺馬占朋分。
罰籌多似昆陽矢，酒令嚴於細柳軍。
蔽日雪雲猶黶黶，欲晴花氣漸氤氲。
一罇萬事皆毫末，螺蠃螟蛉豈足云。

至喜

一作虛白

堂新開北軒，手植榆木兩株，走筆呈元珍。

表臣

爲憐碧砌宜佳樹，自斲蒼苔選綠叢。
不向芳菲赴

一作開

落直須霜雪見青葱披條滋轉清凝露響葉蕭騷半夜風
時掃濃陰比牕下一杆閑且伴衰翁

戲荅元珍

一本下云花時久雨之作

春風疑不到天涯二月山城未見花殘雪壓枝猶有橘凍
雷驚笋欲抽芽夜間歸鴈生鄉思病入新年一作鳥聲漸
意無聊感物華曾是洛陽花下客野芳雖晚不須嗟變知芳節人

初晴獨遊東山寺五言六韻

日暖東山去松門數里斜山林隱者趣鐘鼓梵王家地僻
遲春節風晴變一作物華雲光漸容與鳥嘒已交加米下
泉初動烟中茗未芽自憐多病客來撥欲開花

夷陵歲暮書事呈元珍表臣

本作元珍判官表臣推官

蕭條鷄犬亂山中時節崢嶸忽一作歲已窮遊女髻鬟風俗

古野巫歌舞歲年豐夷陵俗樓陋惟歲暮祭鬼則男女數百相從而樂飲婦女競爲野服以相

遊嬉夷陵俗平時都邑今爲陋敵國江山昔最雄三國時吳

下一本有古字蜀戰爭荆楚先賢多勝迹不辭攜酒問鄰翁處士何參居縣舍西好學

於此
多知荆楚故事

寄梅聖俞一本注夷陵作

青春一作山四顧亂無涯雞犬蕭條數百家楚俗歲時多雜

鬼蠻鄉一作風言語不通羣繞城江急舟難泊當縣山高日

易斜擊鼓踏歌成夜市邀迤卜雨趁燒一作春舍叢林白晝

飛妖鳥庭砌非時見異花惟有山川爲勝絕寄人堪作畫

圖詩

過中渡二首

中渡橋邊十里堤寒蟬

一作落盡柳條衰年年塞下春風

晚誰見輕黃弄色時

得歸還自歎淹留中渡橋邊柳拂頭記得來時橋上過斷
冰殘雪蒲河流

送京西提刑趙學士

邇與嘗屈佐留京攬轡今行

一作來

按屬城楚館尚看淮月

色嵩雲應過虎關迎春寒酒力風中醒日暖梅香雪後清
野俗經年留惠愛莫辭臨別醉冠傾

畫眉鳥

一作郡齋
聞百舌

百轉千聲隨

一作意

移山花紅紫樹高低始知鎖向金籠

聽不及林間自在啼

懷嵩樓新開南軒與郡僚小飲

繞郭雲烟

一作閣
烟雲

匪幾重昔人曾此感懷嵩霜林落後山

爭出野菊開時酒正濃解帶西風飄書角倚欄斜日照青松會須乘醉攜嘉客踏雪來看羣玉峯

送張生

一別相逢十七春顏顏衰髮互相詢江湖我再爲遷客道路君猶困旅人老驥骨奇心尚壯青松歲久色逾新山城寂寞難爲禮

一作客

濁酒無辭舉爵頻

別滁

花光濃爛柳輕明酌酒花前送我行我亦且

一作無

如常日

醉莫教絃管作離聲

荅謝判官獨遊幽谷見寄

聞道西亭偶獨登，悵然懷我未忘情。
新花自向遊人笑，啼鳥猶爲舊日聲。
因拂醉題詩句在，應憐手種樹陰成。
須知別後無由到，莫厭頻攜野客行。

酬張器判官泛溪

園林初夏有清香，人意乘閑味愈長。
日暖魚跳波面靜，風輕鳥語樹陰涼。
野亭飛蓋臨芳草，曲渚迴舟帶夕陽。
所得平時爲郡樂，况多嘉客共銜觴。

依韻荅杜相公寵示之作

一本云伏蒙寵示佳篇以不赴東園之會某亦經春

多病誠有可嗟謹依元韻數紆鄙素一本於經春多病下又有略無少暇四字

醉翁豐樂一閑身憔悴今來汴水濱每聽鳥聲知改節因

吹柳絮惜殘春

蓋經春罕見花也

平生未省降詩敵

近數和難韻甚覺牽彊

到處何嘗訴酒巡壯志銷磨都已盡看花鬪作飲茶人

去思堂手植雙柳今已成陰因而有感

曲欄高柳拂層簷却憶初栽映碧潭人昔共遊今孰在樹
猶如此我何堪壯心無復身從老世事都銷酒半酣後日
更來知有幾攀條莫惜駐征驂

內直對月寄子華舍人持國廷評

一作呈原父

禁署

一作省

沉沉玉漏傳月華雲表溢金盤纖埃不隔光初

滿萬物無聲夜向闌蓮燭燒殘愁夢斷蕙爐薰歇覺衣單

水精宮鎖黃金闕故比人間分外寒

荅子華舍人退朝小飲官舍

一作和子華朝退
寒甚陪諸公飲

玉階朝罷卷晨班
官舍相留一笑間
與世漸疎嗟已老
一作綠老
得朋爲樂偶偷閑
紅牋桐管吟紅藥
綠酒盈罇舞綠鬟
自是風情年少事
多慚白髮與蒼顏

丙直晨出便赴奉慈齋宮

一作宿

馬上口占

一本云呈
子華子履

凌晨更直九門開
驅馬悠悠望禁街
霜後樓臺明曉日
天寒烟霧著宮槐
山林未去猶貪寵
罇酒何時共放懷
已覺蕭條悲晚歲
更憐衰病怯清齋

憶滁州幽谷

滁州

一作豐山

幽谷抱千峯
高下山花遠
近紅當日辛勤
皆手植而今開落
任春風
主人不覺悲華髮
野老猶能說醉翁

誰與援琴親寫取夜泉聲在翠微中

奉使契丹初至雄州

古關衰柳聚寒鴉駐馬城頭日欲斜猶去西樓二千里行人到此莫思家

李留後家聞箏坐上作

余少時嘗聞一釣客老樂工箏聲與時人所彈絕異云是

前朝教坊舊聲其後不復聞至此始復一聞也

不聽哀箏二十年忽逢纖指弄鳴絃絳綿蠻巧囀花間舌鳴咽交流水下泉常謂此聲今已絕聞渠從小自誰傳樽前笑我聞彈罷白髮蕭然涕泫然

戲書

支離多病嘆衰顏賴得

一作有

羣居一笑歡人老思家甚年

少身閑泥酒過春寒來時御柳

一作木

天街凍歸去梨花禁

鑾殘縱使開門佳節晚未妨雙鶴舞霜翰

一作朝鎖漢臺空悵望欲將春

恨託飛翰

和梅公儀嘗茶

溪山擊鼓助雷驚逗曉靈芽發翠莖摘處兩旗香可愛貢
來雙鳳品尤精寒侵病骨惟思睡花落春愁未解醒喜共
紫甌吟且酌羨君瀟酒有餘清

和較藝書事

一作奉茶禹玉再示之作

相隨懷詔下天闕一鎖南宮隔幾旬玉塵清談消永日金
罇美酒惜餘春杯盤餽粥春風冷池館榆錢夜雨新猶是
人間好時節歸休過我莫辭頻

和聖俞春雨

簷瓦蕭蕭雨勢疎，寂寥官舍與君俱。
身遭鎖閉如鸚鵡，病識陰晴似鷓鴣。
年少自愁花爛熳，春寒偏著老肌膚。
莫嫌來往傳詩句，不爾須當泥酒壺。

內直奉寄聖俞博士

千門鑰

一作鎖

入斷人聲樓閣

一本作闕

沉沉夜氣生，獨直偏知

宮漏永，稍寒尤

一作猶

覺玉堂清霜雲映月，鱗鱗色風葉飛

空撼撼鳴犬馬力疲，恩未報坐驚時節已崢嶸。

病告中懷子華原父

狂來有意與春爭，老去心情漸不能。
世味惟存詩淡泊，生涯半爲病侵陵。
花明曉日繁如錦，酒撥浮醅綠似澗。
自是

少年豪橫過而今癡鈍若寒蠅

奉酬長文舍人出城見示之句

春分臘雪未全銷
凜冽春寒氣尚驕
攝事初欣迎社鷺
尊芳因得過溪橋
清浮酒蟻醅初撥
暖入鶯篁舌漸調
興味愛君年尚少
莫嫌齋禁一作齋館暫無慆

唐崇徽公主手痕和韓內翰

故鄉飛鳥尚啁啾
何況悲笳出塞愁
青塚埋魂知不返
翠崖遺迹爲誰留
玉顏自古爲身累
肉食何人與國謀
行路至今空嘆息
巖花澗草自春秋

送王平甫下第

安國

歸袂遙遙心浩然
曉船鳴鼓轉風灘
朝廷失士有司恥
貧

賤不憂君子難執手聊須爲醉

一作酒

別還家何以慰親懽

自慚知子不

一作未

能薦白首胡爲侍從官

下直

宮柳街槐綠未齊春陰不解宿雲低輕寒漠漠侵馳謁小
雨班班作鷺泥報國無功嗟已老歸田有約

一作計

一作何稽

終當白駕柴車去獨結茅廬潁水西

集禧謝雨

十里長街五鼓催泥濘雨急馬行遲卧聽竹屋蕭蕭響却
憶滁州睡足時

寄渭州王仲儀龍圖

一作送王
素之渭州

羨君三作臨邊守慣聽胡笳不慘然弓勁秋風鳴白角帳

寒春雪壓青袍威行四境烽烟斷響入千山號令傳翠幕
紅燈照羅綺心情可似十年前

三日赴宴口占

賜飲初逢祓節佳昆池新漲碧無涯九門寒食多遊騎三
月春陰正養花共喜流觴修故事自憐雙鬢惜年華鳳城
殘照歸鞍晚禁籞無風柳自斜

寄題沙溪寶錫

碑本作積院

爲愛江西物物佳作詩嘗向北人誇青林霜日換一作楓
葉白米秋風吹稻花釀酒烹雞留醉客鳴機織墨蹟作緝苧徧
山家野僧獨得無生樂終日焚香坐結跏

送道州張職方

桂籍青衫憶共遊，憐君華髮始爲州。身行南鴈不到處，山
與北人相對愁。莫爲高才輕遠俗，當令遺老識賢侯。三年
解組來歸日，吾已先耕潁水頭。

再至汝陰三絕

黃栗留鳴桑甚美，紫櫻桃熟麥風涼。朱輪昔愧無遺愛，白
首重來似故鄉。

十載榮華貪國寵，一生憂患損天真。潁人莫怪歸來晚，新
向君前乞得身。

水味甘於大明井，魚肥却似新開湖。十四五年勞夢寐，此

時才得少踟躕。

余時將赴亳，許
道過潁也。

戲書示黎教授

古郡誰云毫陋邦我來仍值歲豐穰
鳥銜葉實園林熟作密蜂採檜花村落香
世治人方安壠畝興闢吾欲反耕桑
若無穎水肥魚蟹終老仙鄉作醉鄉

表海亭

望海亭亭古堞間獨憑危檻俯人寰
苦寒氷合分一作雙流

水南洋北洋河也一在州中一在城外欲雪雲垂四面山州城四面皆山東西二面山差遠惟

此亭高盡見之醃肉已銷嗟病骨凍醪猶可慰愁顏
穎田二頃春

蕪沒安得柴車自駕還

春晴書事

莫笑青州太守頑三齊人物舊安閑
晴明風日家家柳高下樓臺處處山
嘉客但當傾美酒青春終不換頽顏
惟慙

未報君恩了昨日盧公衣錦還

遊石子澗

富相公
創亭

巖薛高亭古澗隈偶攜嘉客共

一作此

徘徊席間風起聞天

籟雨後山光入酒杯

一作朝延元老今華
表巖壁遺文已綠苔

泉落斷崖春壑

響花藏溪崦過春開

一作新雨亂泉逢石
響過春溪谷尚花開

磨磨一作禽鳥
林間

莫驚顧太守不將車騎來

嵩山十二首

公路澗

驅馬渡寒流斷澗橫荒堡嵯危欲歆岸花落多依草擎汰
玩游儻倒影看飛鳥畱連愛芳杜漸下四峯照

拜馬澗

昔聞王子晉把袂浮丘仙金駿於此墮吹笙不復還玉蹄
無迹久澗草但荒烟

二室道

二室對岩巖羣峯聳嶂直雲隨高下起路轉參差碧春晚
桂叢深日下山烟白芝英已可茹悠然想泉石

自峻極中院步登太室中峯

繫馬青松陰躡屣蒼崖路驚鳥動林花空山答人語雲霞
不可攬直入冥冥霧

玉女廳

玉女不可邀蒼崖鬱碧直石乳滴空竇仰見沈寥碧徒倚
難久留桂樹含春色

玉女擣衣石

玉女擣仙衣夜下青松嶺山深風露寒月杵遙相應靈蹤杳可尋片石秋光瑩

天門

石徑方盤紆雙峯忽中斷呀豁青冥間畜泄烟雲亂杉蘿試舉手自可階天漢

天門泉

舊號救命泉惡其名鄙因取美名書爲續命泉人書一字立於泉側

烟霞天門淡靈泉吐巖側雲溼顙氣寒石老林腴碧長松暫休坐一酌煩心滌

天池

高步登天池靈源湛然吐俯窺不可見淵默神龍護靜夜

天

一作松

籟寒宿客疑風雨

三醉石

三醉石在八仙壇上南臨巨崖峯岫逶迤蒼
剡白雲鬱鬱在下物外之適相與配酌坐石

飲醉似非人間因索筆日梅聖俞書三醉字
於石上而三人者又各題其姓名而刻之

拂石登古壇曠懷聊共醉雲霞伴酣樂忽在千峯外坐久
還自醒日落松聲起

峻極寺

路入石門見蒼蒼溪霽間雲生石砌潤木老天風寒客來
依照返徙倚聽山蟬

中峯

望望不可到行行何屈盤一逕林杪出千巖雲下看烟嵐
半明滅落照在峯端

謝人寄雙桂樹子

有客賞芳叢移根自幽谷爲懷山中趣愛此品下綠曉露
秋暉浮清陰藥欄曲更待繁花白邀君弄芳馥

書懷感事寄梅聖俞

相別始一歲幽憂有百端乃知一世中少樂多悲患

平聲每

憶少年日未知人事艱顛狂無所閤落魄去羈牽三月入
洛陽春淡花未殘龍門翠鬱鬱伊水清潄潄逢君伊水畔
一見已開顏不暇謁大尹相攜步香山自茲愜所適便若
投山猿幕府足文士相公方好賢希淡好風骨迥出風塵
間師魯心磊落高談義與軒子漸口若訥誦書坐千言彥
國善飲酒百盞顏未丹幾道事閑遠風流如謝安子聰作

參軍常跨破虎羈子野乃禿翁戲弄時脫冠次公才曠奇
王霸馳筆端聖俞善吟哦共嘲爲閩仙惟予號達老醉必
如張顛洛陽古郡邑萬戶美風烟荒涼見宮闕表裏壯河
山相將日無事上馬若鴻翩出門盡垂柳信步卽名園嫩
籜筠粉暗綠池萍錦翻殘花落酒面飛絮拂歸鞍尋盡水
與竹忽去嵩峯巔青蒼綠萬仞杳靄望三川花草窺澗竇
崎嶇尋石泉君吟倚樹立我醉欹雲眠子聰疑日近謂若
手可攀共題三醉石畱在八仙壇水雲心已倦歸坐正杯
盤飛瓊始十八妖妙猶雙環寒篁暖鳳背銀甲調鴈絃自
製白雲曲始送黃金船珠簾捲明月夜氣如春烟燈花弄
粉色酒紅生臉蓮東堂榴花好點綴裙腰鮮挿花雲髻上

展簾綠陰前樂事不可極酣歌變爲歎平聲詔書走東下丞
相忽南遷送之伊水頭相顧淚潸潸臘月相公去君隨赴
春官送君白馬寺獨入東上門故府誰同在新年獨未還
當時作此語聞者已依然

述懷送張惣之

鬱鬱河堤綠樹平送君因得到東城落花已盡鶯猶轉垂
柳初長蟬欲鳴去年送客亦曾到正值楊花亂芳草人心
不復故時歡景物自隨時節好感今懷昔復傷離一別相
逢知幾時莫辭今日一尊酒明日思君難重持東吳山水
天下秀羨君輕舟片帆逗江城月下夜聞歌淮浦山前潮
放溜樂哉此行時未晚萬壑千巖不知遠可憐病客臥京

塵寂寞淹留已再春扁舟待得東南下猶更河橋送幾人

晚泊岳陽

卧聞岳陽城裏鐘繫舟岳陽城下樹正見空江明月來雲
水蒼茫失江路夜淡江月弄清輝水上人歌月下歸一闌
聲長聽不盡輕舟短楫去如飛

春日西湖寄謝法曹歌

西湖春色歸春水綠於染羣芳爛不收東風風落如糝西湖

目勝地也參軍春思亂如雲白髮題詩愁送春謝君有多情未

到春如亂雲之句遙知湖上一樽酒能憶天涯萬里人萬里思春

尚有情忽逢春至客心驚雪消門外千山綠花發江邊二

月晴少年把酒逢春色今日逢春頭已白異鄉物態與人

殊惟有東風舊相識

寄聖俞

西陵山水天下佳我昔謫官君所嗟官閑憔悴一病叟縣

古瀟灑如山家雪消溪林自斲

一作斲

笛人響空山隨摘茶

有時攜酒挾幽絕往往上下窮烟霞磊落綠縵軟可藉野

卉青紅春自華風餘落葉飛面旋日暖山鳥鳴交加貪追

時俗翫歲月不覺萬里留天涯今日寂寞西岡口秋盡不

見東籬花市亭插旗闌新酒十千得尋不可賒材非世用

自當去一舸聲牙揮釣車君能先往勿自滯行矣春洲生

荻芽

送琴僧知白

吾聞夷中琴已久常恐老死無其傳夷中未識不得見豈
謂今逢知白彈遺音髣髴尚可愛何況之子傳其全孤禽
曉驚秋野露空澗夜落春品泉二年遷謫寓三峽江流無
底山侵天登臨揆賞久不厭每欲圖書存於前豈知山高
水深意久以寫此朱絲絃酒酣耳熱神氣王聽之爲牙心
肅然嵩陽山高雪三尺有客擁鼻吟苦寒負琴北走乞其
贈持我此句爲之先

依韻和聖俞見寄

與君結交淡相濟同水火文章發春葩節行凜筠筍吾才
已愧君子齒又先我君惡予所非我許予云可厭趣共乖
時良塗難轉輾道肥家所窮身老志彌果每嗟游從異有

其樊籠鏤天匠染青紅花腰呈褭娜苟能杯酌同直待冠
巾墮無欺校讎貧鹽米尚餘顆

答蘇子美離京見寄

衆奇子美貌堂堂千入英我獨疑其胸浩浩包滄溟滄溟
產龍蜃百怪不可名是以子美辭吐出人輒驚其於詩最
豪奔放何縱橫衆絃排律呂金石次第鳴間以險絕句非
時震雷霆兩耳不及掩百疴爲之醒語言既可駭筆墨尤
其精少雖當力學老乃若天成濡毫弄點盡信手不自停
端莊雜醜怪羣星見欖檣爛然溢紙幅視久無定形使我
終老學得一已足矜而君兼衆美磊落猶自輕高冠出人
上誰敢揖其膺羣臣列丹陛幾位缺公卿使之束帶立可

以重朝廷况令參國議高論吐崢嶸惜哉三十五白髮令
已生近者去江淮作詩寄離情口誦不及寫一日傳都城
退之序百物其鳴由不平天方苦君心欲使發其聲嗟我
非驚鶩徒思和嚶嚶因風幸數寄警我聲與盲

讀梅氏詩有感示徐生

子美忽已死聖俞舍吾南嗟吾譬馳車而失左右驂勅敵
嘗壓輦羸兵當戒嚴凡人貴勉強惰逸易安恬吾既苦多
病交朋復凋蠹篇章久不作意思如膠粘良田失時耕草
芥廢鋤耒美井不日汲何由發清甘偶開梅氏篇不覺目
掛簷乃知文字樂愈久益無厭吾嘗一作常家世入聲刺競
爭貪哇咬龔兩耳死不享韶咸而幸知此樂又常淡討揆

今官得閑散舍此欲奚耽頑庸須警策賴子發其箱

眼有黑花戲書自遣

洛陽三見牡丹月春醉往往眠人家楊州一遇芍藥時夜
飲不覺生朝霞天下名花惟有此罇前樂事更無加如今
白首春風寒病眼何須厭黑花

雪

時在潁州作玉月梨梅練絮
白舞鶴鶴銀等事皆請勿用

新陽力微初破萼客陰用壯猶相薄朔寒稜稜風疑莫犯

暮雪綏綏止還作驅馳風雲初慘淡炫晃山川漸開廓光
芒可愛初日照潤澤終爲和氣燦美人高堂晨起驚幽士
虛牕靜聞落酒壚成徑集餅壘獵騎尋蹤得狐貉龍蛇掃
處斷復續猊虎團成呀且攫共貪終歲飽麴麥豈恤空林

饑鳥雀沙塍朝賀迷象笏桑野行歌沒芒屨乃知一雪萬人喜
顧我不飲胡爲樂坐看天地絕氛埃使我胷襟如洗淪脫遺前
言笑塵雜搜索萬象窺冥漠穎雖陋邦文士衆巨筆人人把矛槩
自非我爲發其端凍口何由開一噤

送劉半千平陽簿

假道歸故里

嶺梅歸驛路迢迢越鳥巢傾木半喬松徑就荒聊應召村叢
畱隱定相招家庭噪鵲爭喧樹夜帳驚猿自擁條何處秋風催
客鬢青絲恐逐物華凋

一作銷

禁火

火禁開何晚春芳半已凋柳風兼絮墜榆雨帶錢飄淚剪蘭膏
盡弦虧桂魄消被蘭流水曲游祿一相招

夜意

蕙炷爐薰斷蘭膏燭艷煎夜風多起賴曉月漸虧弦鵲去
星低漢烏啼樹暝烟惟應牆外柳三起復三眠

送日

送日衡

一作衡

臯望不休江蘋高下遍汀洲長堤柳曲妨回

首小苑花溪礙倚樓楚徑蕙風消病渴洛城花雪蕩春愁
流杯三日佳期過擲度蘭波負勝遊

送李寔

幾幅歸帆不暫停吳天遙望斗牛橫香薰翠被乘青翰波
暖屏風詠紫莖江水自隨潮上下月輪閑與蚌虧盈河橋
折柳傷離後更作南雲萬里行

早夏鄭工部園池

夜雨殘芳盡朝暉宿霧收蘭香纔馥徑柳暗欲翻溝夏木
繁堪結春蹊一作畦翠已稠披襟楚風快伏檻更臨流

舟中寄劉昉秀才

東南天闊漾歸流西北雲高斷寸眸明月隨人來遠浦青
山答鼓送行舟歸心逐夢成魚鳥夜漢看星識斗牛一作
驂酒開樽誰共醉清江聊且玩游鯈一作
漁

小圃

桂樹鶯鶯起蘭苕翡翠翔風高絲引絮雨罷葉生光蝶粉
花霑紫蜂茸露濕黃愁醒與消渴容易爲春傷

卽目

李徑陰森接翠疇，
押簾風日淡清秋。
晚鳥藏柳棲殘照，
遠燕傷風失故樓。
星漢經年雖可望，
雲波千疊不緘愁。
平居革帶頻移孔，
誰問無繆沈隱侯。

勅征

沈約傷春思，
稽含倦久游。
帆歸黃鶴一作浦，
人滯白蘋洲。
乳燕差池遠，
江禽格磔浮。
物華真可玩，
黑鬢忽逢秋。

送友人南下

河橋別柳減春條，
隔浦挈音聽已遙。
千里羹尊誇敵酪，
滿池麰稻欲鳴蜩。
東風楚岸神靈雨，
殘月吳波上下潮。
如弔湘纍塞香一作壯，
若秋江斜日駐蘭橈。

高樓

六曲雕欄百尺樓，簾波不動瓦如流。
浮雲已映樓西北，更向雲西待月鉤。

榴花

絮亂絲繁不自持，蜂黃蝶紫燕參差。
榴花最恨來時晚，惆悵春期獨後期。

宿雲夢館

北鴈來時歲欲昏，私書歸夢杳難分。
井桐葉落池荷盡，一夜西窗雨不聞。

柳

雨濶堤長走畫轅，絮兼梨雪墮春烟。
東風苑外千絲老，猶伴吳鷺盡日眠。

柴舍人金霞閣

簷前洛陽道下聽走轅聲樹蔭春城綠山明雪野晴雲藏
天外闕日落柳間營緩步應多樂壺歌詠太平

題淨慧大師禪齋

景德寺
普光院

巾屨諸方遍茹苦一室前菱花吟次一作落孤月定中圓

齋鉢都人施談機海外傳時應暮鐘響來度禁城烟

去思堂會飲得春字

甲午四月頻州
張唐公座上

世事紛然百態新西岡一醉十三春自慙白髮隨年少猶
把金鍾勸主人黃鳥亂飛溪夏木紅榴初發艷清晨佳時
易失閑難得有酒重來莫厭頻

贈王介甫

翰林風月三千首吏部文章三百年老去自憐心尚在後
來誰與子爭先朱門歌舞爭新態綠綺塵埃試拂絃常恨
聞名不相識相逢罇酒盍留連

送潤州通判屯田

船頭初轉兩旗開清曉津亭疊鼓催自古江山最佳處况
君談笑有餘才雲愁海闊驚濤漲木落霜清畫角哀善政
已成多雅思寄詩宜逐驛筒來

鶴

樊籠毛羽日低摧野水長松眼暫開萬里秋風天外意自
斜閑啄岸邊苔

鴈

來時沙磧已冰霜飛過江南木葉黃
水闊天低雲黯澹朔風吹起自成行

暮春書事呈四舍人

樹陰初合苔生暈花蘂新成蜜滿脾
鴛燕各歸巢哺子蛙魚共樂雨添池
少年春物今如此老病衰翁了不知
飽食杜門何所事日長偏與睡相宜

官舍假日書懷奉呈子華內翰長文原甫景仁舍人
聖俞博士

鎖印春風雪入簾天寒鳥雀聚空簷
青幃受歲兒童喜白髮催人老病添
艸舞回腰飛玉盞清吟擁鼻對冰蟾
相縱一笑雨莫得簿領區區嘆米鹽

酬王君玉中秋席上待月值雨

池上雖然無皓魄，樽前殊未減清歡。綠醅自有寒中力，紅粉尤宜燭下看。羅綺塵隨歌扇動，管絃聲雜雨荷乾。客舟閑卧王夫子，詩陣教誰主將壇。

寄題景純學士藏春塢新居

清才四紀擅時名，晚卜丘林遂解纓。欲借青春藏向此，須知白首尚多情。水浮花出人間去，山近雲從席上生。漫作說市朝堪大隱，仙家誰信在重城。

退居述懷寄北京韓侍中二首

悠悠身世比浮雲，白首歸來潁水濱。曾看元臣調鼎鼎，却尋田叟問耕耘。一生勤苦書千卷，萬事銷磨酒百分。放浪

豈無方外士尚思親友念離羣

書殿宮臣寵並叨不同憔悴返漁樵無窮興味閑中得強
半光陰醉裏銷靜愛竹時來野寺獨尋春偶過溪橋猶須
五物稱居士不及顏回飲一瓢

答樞密吳給事見寄

老得閑來興味長問將何事送餘光春寒擁被三竿日宴
坐忘言一炷香報國愧無功尺寸歸田仍值歲豐穰樞庭
任重才餘暇猶有新篇寄艸堂

初夏西湖

積雨新晴漲碧溪偶尋行處獨依依綠陰黃鳥春歸後紅
蘼青苔人跡稀萍匝汀洲魚自躍日長欄檻燕交飛林僧

不用相迎送吾欲臺頭坐釣磯